

IZLAN N YIJEY

- 01- Ad awen-iseed a bu umdaz Mulana
Ad awen-ig uduku-nnun abda leyyam !
- 02- Unna iran, a tizi, a kem-yaley
Ad inem i ubrid iddu s l̥ilet.
- 03- Da k-ttgannay nsigg-ak iyef
A yan wass izzeezizen luqt!
- 04- Lliy ger teybula d usagem axatar;
Yuweḍ uẓur aman ur i-igi Rebbi. (Mulay n Lxwerbat)
- 05- Saggay s asif, ggudin waman
Teggadi lyellet isemxwazza irifi.
- 06- Lfal am-gery izeddig amm waman,
Ad irah waggwa-nnem tizza yer idda.
- 07- Unna iran a tuga a kem-iyella
Gin agwdal mar ad iḥares ireḥḥalen.
- 08- A wa, tay titi tanuguṭ yers-as,
Ur da ttawey ula tedda dat wulli.
- 09- A wa, da tṭimay n̄i d yiṭef-inu;
Mer ay-inēddal qad ides bḍuy.
- 10- Tufed imueiz a tatfi n imi
Addag tugled agensu n wul i ka.
- 11- Meqqar imlek ka timizar kullu
Fris ayd ixtaren ag ill' lufa.
- 12- Tehwam g ujellab ay imeksawen
Allig t-semxwazzan idemmaen.
- 13- G-asen, a Rebbi, d amm yikḍif, aḍu!
I bu lferḥ ad idel ka ssun i ka.
- 14- Nniy-awen: Myar iga zzin lebḥur
Qad ilin winna ur yugimen aḍu.
- 15- A lahel-inu tudert aymi kwen-riy
Uma lixra nebḍa g wakal tinedlin.
- 16- Ikka-as-d l̥al i taddart ammas;
Ula mas gan akw Yimaziyen aḍu.
- 17- Nezwar akw s zzaxt widda tt-iran;
A timmuzya tuēerd i bu ixuḍan.
- 18- Timmuzya-nnek mani-tt ? Mandi tekka?
Seg mayed ay-tgam asettuy g ujemmaen.
- 19- Tamaziyt ur am-ssugirey aḍu,
Wadda kem-iran afud ixwa-as.
- 20- Ur da tettunza zzaxt ur tgi tin temsuyt,
Ur illi ddwa n unna ihwan ad tḍer tinnes.
- 21- Ayulid n zzaxt awed yan ur t-isattey;
Ay ag d asif d inegyan ur t-uwiḍen!

- 22- Zzaxt ayulid ur ittesmuren,
Unna igan amaziḡ ittef ḡares.
- 23- Nekka zzaxt yad ur i-tessafey
Nḡuder afey labas i wul-inu.
- 24- Tayawsa teqqima, ṡṡeme ayd itteddun;
Unna isalen qad afen ka igan lḡurṡ.
- 25- Iman-d useklu gen yuwen
Bḡun-d ileḡḡigen yifes.
- 26- Mun d ugellid-nnek ay asufey !
Iḡil-d uleḡḡig nna s k-yuwey.
- 27- Iga uya ttejrib ikka ku yuwen
Unna isarsen inin: ur sar d-tay.
- 28- Adday iṡfa yigenna hat namu,
Idd ad idek nmun g wagu ur nniy.
- 29- A wa nḡiy-k da ttasid iḡbanen iḡilen
Maka dḡi ggwdey a k-ismuyed uṡemmiḡ.
- 30- Timmuzḡa ur yad da tt-tteffurem,
Han yan ugadir iḡer diges.
- 31- A wa zzurey unna kwent-iggaren nnur
A tafuyt ad iseḡd i bu tmeyra.
- 32- Lfal am-grey ad issadd amm wayyur
Ilin yitran ad gen uddur yifun !
- 33- Smanen yiybula n tmazirt aman
A wa ḡawed rru kerz a bu tḡerraṡ !
- 34- A tislit ḡḡu g imi nḡam ! xyar !
Ad ur d-ittef ka g imi-nnem aferruy.
- 35- A tislit lḡar-nnem nḡam d amezwaru
Uma lhemm mek ur am-d-yay irḡen iqqim.
- 36- Tayawsa teqqima ṡmee ayed itteddun
Ur irḡi wenna tt-itṡfen ad d-yay ssuḡ.
- 37- Mun d ugellid-nnek ay asufey
Ad d-ibayen wuddur afella-nnek!
- 38- Lebni mek ur ṡḡin aḡḡ-t ad yay akal
Iddu-d mayed t-itṡasin ard iḡella. (ṡmer u Meḡfuḡ)
- 39- Unna isawlen i ka awal s d-imeqqur
Hat uddur d watig-nnes ayed iḡella.
- 40- Llant akw lluyat n ma igan nnue
Xes tinney ayed walu seg mayed ur nman.
- 41- Mek idd tamessi tuli-d akw g yiyerman
Maka ur ibeddil kull ma igan lḡurṡ. (ṡmer u Meḡfuḡ)
- 42- Nekk ulawen iran tazedgi aymi alley
Idda-d ungi yaḡer-i uybalu imellulen.
- 43- Leḡrir ayd ir' usebbab ur t-ufin
A taḡuṡ gin-am atig ur teswid.

- 44- Ur k-uminey ula riy ad idek bduy,
Tella-ak g imi lemhibba n eenwa.
- 45- Ur da k-ttjahadey yad amm wasif
A wa kkan waman-nnek, a zzin, yifi.
- 46- Unna d-iger uḍar s aḥidus iqqen imi-nnes
Ad ur ay-d-ittagel aferruy i lferḥ-inu.
- 47- Yuweḍ-i-d umazan n ufraḥ ay ul
A wa ur iṣekkiz uḍar tawada.
- 48- Ad am-xxerxery a ddunit siluy-am
Ad ur ay-gin imudil-inu imellalen.
- 49- A tiṭ-inu a ta tenna g ur tenzid
Lehla da ttzeyyaremt igil yifi.
- 50- Nnan medden yad unna ira wawal
Meqqar yuley s azilal yaweḍ-t-inn.
- 51- Ggulliy nekk ayenna g ur nenzi
S tiṭ-inu ur sar ten(i)-ggarey i ka.
- 52- Unna nn-iqqen ad iḍder ad ur yakka
Amur ixwan i wenna d(i) isawal.
- 53- Zzin isney tafala da kem-ikkat
Lehla da ttjahadem wadda kwen-iran.
- 54- A bab n uḥidus afraḥ ayd ay-d-yuwin
Neg-as tubedda i tmeyra-ddey ard nuyul.
- 55- Illa læzz ay asagem yifek
Unna kwen-ikkan a k-id-uyulen.
- 56- Ay ul-inu mayed igen ka giy-ak-t
Asafar n tayri ur t-id-uwiyeḡ.
- 57- Ad ig Rebbi lufa g wulawen
Ad ur ittækkaz bnadem wayeḍ.
- 58- A wa ssiwey a bu uḥdadi ssiwey !
A wa ssiwey ad tinniyeḍ iberrisen !
- 59- Nekk ayd inedmen ak-ikkxen izem a ɛari
Allig da ttsaran, s tayzi, liḥuc !
- 60- Unna iran lluz icawer yifes
Han awed aleḡḡig-nnes iffey ẓares.
- 61- Ay ag d iselli grey-as lmint !
Han adyar-nnes ad ay-iṣeqqilen.
- 62- Meqqar da nesdiddiy ar kkatey
Ay iḍawen tugim ad tesmurem !
- 63- Tayawsa ur yad da tt(i)-sseḍwaley
Meqqar da tt-ggarey afella-nu.
- 64- Izla umareg digi iṭeṣ akw iḍ-a
Tiwirga d unuddem s izri walu.
- 65- Ur idd azerf ula ccere as da beṭṭun
Ufan ka n lqanun imanen d ixuḍan.

- 66- Ay amɛaz nna d-ikkan tisedrin
Ad ak-ħaddrey ad ur i-k-yawey ka.
- 67- A tallunt ixxa ubrid i-tsakkad
Tebdid-i d lehmum ula da ttzallay.
- 68- Idd is ur da k-izzenza bu tħanut
Ay atag nekkin allig ur k-uɛiy?
- 69- A wa kkant ay aɣeyyad iwer-inn-ak
Lehla da ttiymad g tizza xwanin.
- 70- Mer ay-tenni tafuyt: Bal yuri!
Bennuy-as yan uħanu bu umalu.
- 71- A wa tbeddled a ddunit ħidrey-am
Allig da ittagem ubetħan n tixsi aman.
- 72- Berray tileġġigin isswa wanu
Asag ibbey waga yay-t irifi.
- 73- A bab n uleġġig amuttel ɣarek
Key ayd as-d-yuglen ad sliwen.
- 74- Dilli g iswa ka leħjab iywla-am
Dyik ayd illa i tidda freynin.
- 75- Č©iy-as yad aleġġig i useklu
Iqqim uqbu, asi-t a bu uferran!
- 76- A ta awel xla ffey tizza n leelu
(I)han asɛedda ggwdey idd is fukkan!
- 77- Ar ittrayya uħdadi g temzin
Allig as-walu lemdud ixwa-as.
- 78- Suley a leɛfu giy-awen aɣemmaɛ
Σlaxaɣer g tudert ittel-i waɣu.
- 79- Berray rrɛeq ignugin s anu
A wa ku ɣɣbah ldiy aga yef yiyir.
- 80- Meqqar tuwid Tadiyust ar Ġris
A wa lxir d wuddur ag kwen(i)-nerra.
- 81- Unna mi yriy agin ad d(i)-mɣerrin
Mek as-ijra ka, ur yad i-iyeyyir.
- 82- Hat iħda-k uħerraz ur tufid
A bu ddiyer ad tayed yad aɣbahiy !
- 83- Key as ħezzmey a wa keyy as d-nedda
Mar a k-kksey ammas n yiger ay afar!
- 84- Unna mi ur igi Rebbi g wul lufa
Meqqar as-gan id lbiban leħrir.
- 85- Zzaxt, Umeryad a mi tessuter
Mar ad taley tizi taxatart.
- 86- Ur da tturbaɣ ur tgi zzaxt aluɣ
Addag as-teɣra i ka g wul tedda.
- 87- Zzaxt ayef nalla tayul da ttesmur
Gant amm lkiɣ iħrey uzwu s aman. (Σmer u Mehfuɣ)

- 88- Gran ayt ddunit i zzaxt ilan
Tṣah-as-d bnasem mi d ur tusi.
- 89- Meqqar tnejhed a Hama mayed i-iddan
Idd ad tēayett Igwelminen ur tennid.
- 90- A bu lmal ḥdu g wammas n usettur
Han uccen ilsa aẓennar n umeksa !
- 91- Terwa luqt, bnaḍem ayed da tt-ittḍeyyaēen :
Unna mi tkid alef iceht-ak i ṭhellalt.
- 92- Meqqar d-inem isignew ard ay-d-gulun
Ixxa bnaḍem rarint-ṭ yer aẓey-a n uzaṭar.
- 93- Yuf is da ttagmey i bba-nu aman
Ula ddiṭ s aḡam-nnek a bu mkerḍul.
- 94- Iga lbattel taxamt ikk ubrid ddawas
Allig d-teddid a lmeskin taṭ-d yifun.
- 95- A wa nniṭt as ibeddu bu ṭheraṭ
Ar as-ittkemmal Ljid i lyellat.
- 96- Hat ixtar amazir unna icwan
Adday tummer tagut afen isenfiy.
- 97- Ksan-am rijalleblad is kem-ran
Iga-am Rebbi g tmazirt amur.
- 98- Han agdud n bab-nnes ifra s lman
Ad iqḍu Rebbi zẓeyyart i ku yan!
- 99- Unna k-iḥḍan a ṣṣwab iga win ku yuwen
Awal irwan ayed itteggan imyisaten.
- 100- Meqqar iswa ka g tmazirt ayu
Idd a k-iffey, ay iyef, fad ur tennid.
- 101- Ixwa-awen ssuq mer idd i Ufasiy
Ayed awen-iccaren d muzun leḥrir.
- 102- Ur am-baḍey yad a tajemmaet
Ayulen ayt wuddur uḥlen issem. (Sakku)
- 103- A wa ssiweḍ aẓur n tuga-nnes aman
I bu lferḥ, a Rebbi, g-as leyyam!
- 104- Awiss max allig ay-tzuzem ay akal!
Lafēal n kigan as ijra imki. (Σmer u Mehfuḍ)
- 105- Llaḡawen ay adṭar g nufa lwali-nu !
Ttreṭ-as i Ljid a kwen-isdum amm tafuyt.
- 106- Awiss mayed tufid a tizizwa teddid
Tuḡḡamt tamamt g iywran izilen!
- 107- Mer iḥli uybalu tezdigem ay aman
Rekkizen-ay-d waman g mag d-tteddun.
- 108- Yayul mayed yuri iēzizen imessus
Idd iyef ayed yattuyen midd laweqqat! (Rus)
- 109- Unn' am-isswan a tamazirt iman
Yasey-as aēekkwaz i twada.

- 110- Unna ira Rebbi da t-ssensaren
Izayed-as g wuddur ad ixiter.
- 111- Tella ššaht yugren iselliwen
Nniyet, a Rebbi, da ttay ifassen.
- 112- Ufan taduli gnen ayt yiṭeš
Meqqar tummer tagut ur d-faqen.
- 113- Da txerrdem i ddaw iselliwen
Ggwdey idd ad d-gnugin afella-nnek.
- 114- Unna igan Amaziy iḥḍu lufa
Ad ur yamez ka g imi-nnes aferruy.
- 115- Han allwiz n ka da t-ssedwalen
Mek isul nurzen ad i-ammen yifes.
- 116- Ur yifek anaruz ay uccen ad terwud
Tennumm g tizi u©©i n lmal. (Šmer u Meḥfuḍ)
- 117- Han uccen issen tizza nna yef ittekka
Ay ag d ašeyyad ur iḍmie aḍu.
- 118- A tayawsa yugin ad iffey afus
A ta, da ttzerraed digi lxatṭa.
- 119- Zzin iḥman alemmud ayef illa
Idd win uqmu da isgidiy leyyar.
- 120- Ssaet-a ur yad ikkul imiker
Tafuyt as ibubba tukkerda-nnes.
- 121- Ay ayed ak-nniy a Rebbi: "Ssef-ay rruḥ!"
Allig tugid, iwa snem-ay, diy, aḍu!
- 122- Issawed uyenna d-ikkan imawen
Unna igan lfahim iqqen winnes.
- 123- Ræeb ayd isseywla bu lekkurba aḍil
Ur iḥli g ttaman ula iga lemliḥ.
- 124- Mer idd i ddhub ay aḥidus terwid,
Keyyin ayd igan accad i tyufi.
- 125- Ad ay-ik Rebbi ššber ad ay-yili
Mar ad izrey wass nna g i-tḥerra.
- 126- Han adyar nna g nsares laṭer
Ur i-igi Rebbi ger diges winnek!
- 127- Yuwi-d bab n tuga zares ileywman
Ay ag d aleḡḡig ad t-rzin iḍarren!
- 128- Meqqar ig' eari lešabat kullu
Ur uminey idd ad teg tuga-nnes ayu.
- 129- Neṭṭas iflila ddun-d winna ur tṭašey
Zziy a llsas ur ten-ibni ka yef ššaht.
- 130- Tufa tywemmatt agujil tiri-t
Tyal idd ad as-iḍer tizi n memmis.
- 131- Tayul-d ay aḥidus ibazen-ak lḥal,
Gulan-k-id icirran sxuben-ak aḍu.

- 132- Ay aēban nna g icayēd uceddūr
Meqqar ḥeyydey i zumar yasi-t-id.
- 133- Han amuttel a wayenḥubba iceqqa
Meqqar irzen da iqqaz i yizuran.
- 134- Seg wadda ur ili ugnagay tama
Da tteggwdey i ufrag asag iwlella.
- 135- Tgamt a lemḥibba almu iḥlan
Issatem Umeryad ussan n unemri.
- 136- Terwid a ššwab ur k-izzenza ka s lemlayen
Šlaxaḍer is idrus dyi i tsuta-ddey.
- 137- Tga luqt-a amm umda tezla-yas taēumt
Nga diges iḍarren ard nali ney mmutey.
- 138- Ay ul-inu udu tkerrzed, aman walu-ten !
Ula mayef nēawen amerdul i yireḥḥalen !
- 139- A wa da ttexemmamey, a lehwa, a kwen-nsires
Imun-ay d lxader ur igi ad ten-nsires.
- 140- A tayaṭ rar iyjed i bu twala
Ad tayıled ixamen, yad, ur tennid! (Šli u Baēessu)
- 141- Tasa-nu ag iwēer ad ides bduy
Ma uyul n bba-nnes, yad, ur t-nri. (Mama Ssu, n Baēessu)
- 142- Hat ur iēettir xes ad ikkes ayu
Ay utṭub sikkiy nnigawen aman! (Itṭuc n Ayt Ḥeddac)
- 143- Illa yizem illa-d nnig i uyilas
Ay ag argaz ittergigi s tasa!
- 144- Ur idd tuser as ay-icib iyef-inu
Leḥsab ayd ibedden azzar yifi.
- 145- Leḥrir ayd ir' usebbab ur t-ufin
Uma ššabra tuger-d i bu ṭhanut.
- 146- Unna ur iyyen ad issufey imenyi
Ad as-ḥeyyden i Bennaser acetka.
- 147- Isul bu tṭmee ad as-iḍer yisem
Iqqim-d unaruz ig-asen tixt.
- 148- Unna igan lluz iqqima diges
Ad ur tteggwett ad as-iḍer yisem.
- 149- Tedda ssaet n bu uḥdadi tfukka
Ur isul mag itteddu g ušbaḥiy.
- 150- Ay itran n yigenna ttrey-awen
Ad d-iggru wasidd i tallest-inu!
- 151- Addag d-usiy azennar yef iyef
Meqqar tummeṭ tagut ur kkuley!
- 152- Mayef ak-sbibbiy aqnaḍ ay ul
Rebbi izemmem-k-id ay imki yifi!
- 153- Unna isalen digi yas tinid-as:

- Smarey amm umazir, isem-inu sulen!
- 154- Ur da nkerreh unna mi ika Rebbi,
Unna yer' Ugellid ik-as tisura.
- 155- Unna mi tra ddunit ad as-terwu
Ur sar ikki ayenna g ill' wawal.
- 156- Ad isikk Rebbi lebla ddaw wakal
Isikk-ay nekkinn nngas, nebdu !
- 157- Negra yirbi i leh̄sab amm ɛari
Amma nuley amma idda-d akw yifi.
- 158- Meqqar as-kiy irden i bu ifeylil
Ur ikriz, a wa, mag i-iferru?
- 159- Ur sar iggwid ukessab i tmara
Mek ur ikriz isey-t i hat g ssuq.
- 160- Ullah kerrzey ar ayenna iga Rebbi
Amma ten-usiy amma nayul, diy, lkil.
- 161- Zziy da tesxitiremt udem a leflus
unna ixatren ar as-qqaren g ujemmuɛ.
- 162- Izil igdi mi ggarey ad ay-yisin,
Ur ixxi yes bnadem mi ggarey iddu.
- 163- Ad ay-ig Rebbi ɛari d amm luɖa
Af ad inem uɖar s wadda ira wul.
- 164- Ddunit teg' amm unebyi da ttmuttuy
Unna yur tekka, assa, da ttbeddal.
- 165- Berray iger nna ijjujin s asif,
D' ay-ittɖeyyæ yigidu lyellat.
- 166- Č©an ayt yifadden tuga n ɛari,
Walu mag tessawyed a bu tmuħal.
- 167- Isman usedrem ameksa bu twili;
Idd almu ag nn-iggar tinnun?
- 168- Addag as-yiri sseɛd ad inem i ka
Ar as-isnili afud i usaka.
- 169- Rebbi ayed ak-ignen a zzin s akal
Allig awen-iga aɖu d imkinnay.
- 170- Isul ard ak-ixelf, ay Amaziy, Rebbi
Mek ak-iffey lgid aɖar ur temmutt.
- 171- Mer giy ayrum i yimeidan nesmar
Maka lhent ayed digi ttfezzan.
- 172- Mer i-nnin waman: ad digi ur ssat !
Ur ikkul ka yuwey fad iɖer akal.
- 173- Ar ittseyas Ubihi yumen
Ur idmi agellid ad t-iney.
- 174- Unna mi nɛent ayenna g ittsekk
A wa kkin ɛari mek rad iwlellu.
- 175- Ur ak-giy lɛib ay iyerm-inu

- Meqqar safrey i qa k-id-uyuley.
- 176- Han agdud-nnek a bu şşaleḥ yuley
Ku yuwen, a Rebbi, g-as ayenna yer' !
- 177- Gant-i lemḡadir-inu amm lkiḍ
Fsisey-as i xub ar i-isewlellu.
- 178- Unna ur immecjaben tufed a beṭṭu :
Ur da ttmunen igudir iwet ifexxi.
- 179- Cuf ayed iga yiyiz i ṭherraṭ
Dacc amer illi ungi bu tleywmin !
- 180- A lafut, nekk akwent-id-ittraran
Seg wis ur neṣbir ad i-d-inem lḡal.
- 181- G-ay abrid, a Rebbi, g yan ɛari
Meqqar iqqen ad irzem adday niri !
- 182- A wa, iḡil umalu nnfee ayed ur ili
Unna ur ittenyuddun s tazza ines iss.
- 183- Ay aḡbar, a wa, gufent-ak g usettur
Hat inya-kwen wadaw-nnay bu leḡruc.
- 184- Reɛbat i uzeywaḍ isiggin s anu
Ad as-icceḍ uḍar nbabb is t-nyiy.
- 185- A wa ḡawel ay amermaḍ i twada
Hatin izem, ur idd uḍad as teddid! (Ueesta)
- 186- Xlifa ɛlellah ay udi d seksu !
Isul-i lḡenna g yiḍudan teddu.
- 187- Unna isalen digi nekk in d useggwas
Hat bit lxat̄ar ag i-gran usu.
- 188- A wa tbeddel tuga teccar d usennan
Ku yan digun afus-nnes ayed iḡeṭṭu.
- 189- Adday d-idda jjernan tinim-as:
Ayulen ayt waga rran-k ay asif!
- 190- Meqqar ikrez ka timizar kullu
Uggug iṣḡan ur ten-igi xes –ris.
- 191- Hat aḡḡar mek ixxa nekk ayed i-inyan
Ma imiḡ, dyi, izrey awd useggwas.
- 192- A tiṭ-inu, a ta, ur ay-tgid i ukarif
Da yi-tsikkimt iberdan ur xuliḍey.
- 193- Ur ixxi ssɛed ula ig' acettuy
Ig' amm usebbab ar ittawey iyef.
- 194- S̄iy iger mer i-iktab ad t-yellay
Maka larziq ag ur ibad̄ ku yan.
- 195- Ur intil ḍḍuṣi n bnadem i Rebbi
Ku yan nil lɛamal-nnes ayed as-ika.
- 196- A wa tga nniyt taḍeryalt
Ur yad da ttekka g imawen.
- 197- Mek yifi ttyaru qennad as-neknu

- Is ufiy walabedd' ad ides bduy.
- 198- Tehdamt a tudadin iwey n iyef
Walu rrbæeyya, bbin-ay ifassen.
- 199- A wa myar shudrey iyef
a wa da yi-ttnadan idewwayen.
- 200- Tga nniyt amm uëekkwaz ittef ufus
Mas iskuttu wenna g ur telli?
- 201- Texxa zzaxt, ixxa wenna g ur telli
Ur issin ka mas ten-iggar Rebbi.
- 202- Han tanbayest iger ka s imi-nnes
A wa, inurez bab-nnes ad frunt.
- 203- Ay ag d id lfiraj llan g useggwas!
Ur iqdi ccifur-inu mayed ihettu.
- 204- Mer as-giy i wul-inu mayed ay-ira
Ur iqdi umyisa-nu mayed iferru.
- 205- A tanut meqqar ggudin waman
A ta ssarden digem wudayen afus.
- 206- Idda Baedid ad d-nadan lihuc
Ig-as uzwu tiyersi g unmila.
- 207- Ay ayd iddren ad ur immet a Rebbi
Ad as-xellšen i bu warryal s sin.
- 208- Han bu remdan ider s amda iswa
Hat irza uzum ur ixtar g nneemat.
- 209- Meqqar k-iger ka g wasif s uqerrif
Ad iffeyy uxemmuj aqqa-nnek ur nnin.
- 210- Ay ayd i-ijran a leeqel-inu i eenda-yi
Lehruf eeddben adu-nu, adu ur ay-d-yuliy !
- 211- Mer illi umalay g tuga n wasif
Ur ittazzla bu umæaz ar eari.
- 212- Giy tin iyjed ig irez iqqim
Mek ur as-heccay ur igir s imi.
- 213- Senda-kem a tamazirt mayed am-ddiy
Mag yad ttafad bnadem aferrah!?
- 214- Unna mi tgid a tamazirt lear
Ur sar ifrih ayenna g ir' yili-nn.
- 215- Hatin ur k-uminey a lehri n iesawiyen
Da yi-tseenatem ddehb imih yasi-ten.
- 216- Da k-tthasabey is tgid amm tit-inu
Zziy a lkerh ign' ak g wul ur t-annayey.
- 217- Senda-kem a Gwelmmima iccar-d uxenfuf
Ka tuttra, ka ad izdey as d-idda.
- 218- Han aggwa igula-d amazir s lman
Hatin ur merriten widda t-yusin.
- 219- Tedda tatša amer ay-tgi tin temsuyt

- Ad diges key iyef-inu dacc a lmal-inu.
- 220- Inat-as mas ur ili bba-nnes akal
Allig as-walu g tmazirt aḍu.
- 221- Unna d-iḥrin ajellab ad t-rarin
Ur da ssaḡey nekk ayenna g ill' muḥul.
- 222- Ur igi i lbiḡ ujellab-inu i ka
Illa s id babin-nnes adday yuyul.
- 223- Nemyassan, yan iyerm ag akw nella,
A tann i-iḥeṭṭun asidd i tḍuri.
- 224- A Muḥa u Sekku hezza-d iflila !
Memmik iywma-as i tudayt afus.
- 225- Mer baḡey i ssæed ad i-irwu geḡ-ak lxir
Ay iyef-inu maka tekka-d yur Rebbi.
- 226- Unna ur issekniden ka s liḥecmat
Uma ccwiyt tuger tinu asennan.
- 227- A wa kkes i ubrid asawen a Rebbi
A nn-irāḡ ukabar ansa s dḍan!
- 228- Iyal bu ubrid nniyt is tsul
Nekk ur ɛawdeḡ yad a namen inejda.
- 229- Meqqar ay-tessaweṭ i lajudan n ɛari
Qad afen ṭṭabee digi irzem-i.
- 230- Tenna izemmem sidi Rebbi teg iselli
I mayed ir' ad as-ig bnaḍem i tennay? (Ḥda u Σli)
- 231- A wa ur da iggar ufus g imi
A wa xes ayenna yas-izzri wul.
- 232- Ay asmun a wa nuḡel k-ttgannay
Ur idd yan useggwas ad iṣber ka.
- 233- Nekk ayed iwten iyef-inu mayed ur yriḡ
Allig da nerraz iselli bla lefṣal .
- 234- Ayulen ṭṭelba gan iḍemmaɛen
Iggudey-asen xub amm ireḡḡalen.
- 235- Afud ittlaḡan qad aḡen akal
Ur yuliy ɛari xes widda ṣḡanin.
- 236- Han unna kwen-ittalyen adday tilid
Qenna nn-ittzayad lɛib iwer-inn-ak.
- 237- A wa mayed ittawel ka g amm kemmin
Idd taḍuṭ midd alemmud ag tamud?
- 238- A wa sellek aḡar-nnek a bu truṣi
Mar ad ak-d-iɛayed wadif s aḡar !
- 239- A wa sellkent akw xes i bu mkerḡul
Han agḡwa-nnes ur iseggid i userrus.
- 240- A tiṭ-inu, a ta, ur da d-ttrarad
I wul-inu xes ayenna g ittfellas.
- 241- A wa hat giḡ i leksiba-nnek iyil

- Ur yufi umeksa-nnek mag imḍerra.
- 242- Irura useggwas afud-inu akal
Lmal ixwla, imendi da iyellu.
- 243- Dyi g faqen winna iṙran d uferruy
Sulen ad smunen imeḍḍar d imecwan.
- 244- Nnumen imezwura dderε iddey ur isul
Allig gan warraw iserdan d ileywman.
- 245- Ul-inu igellin ššber ayd iḥeṭṭu
Matta nezra-t is llan g unemri.
- 246- A wa ttales lxir ay aḡḡar yiḥi !
Terra taṭfi tamamt adday tili.
- 247- Tiyni teggudey, tiyni teywla
A wa avey anaruz a war tiferxin!
- 248- Teddid a lḥerma ur yad da tṭyafad
Yayul ifri da d-isuddum yiḥi.
- 249- Ur i-tgid a ttabut i leenayt
Ur inni jjellij ad diges yamez.
- 250- –aley a zzin idd is ur tsuled
Ikka-d muḥul agensu izri-nu.
- 251- Gant-ay tmizar iyef yaḍen
Ur idd wa as id-i-turew yu-nu.
- 252- Ay amuttel a wa rar-i-d unna riṭ
Ad ig alywem mi ittuga ukarif!
- 254- Tsul tisent amm iεeṭṭiben a kwen-tay
Ar akw tallem williy nna s da tteššam.
- 255- Aggumey amalu s isekwla-ddey imezzanen
Uma iqwba ixataren bḍan d iceṭṭan. (sakku)
- 256- A tawargit-inu ddehb ami tkid iyef !
Fafay-d awiy tinedriwin s ul-inu.
- 257- Key aymi ggwdey a bu taṭša n imi
Uma aḍdaw qad ay-iḥḍu neḥḍu-t.
- 258- A tafuyt n yigenna han tayyaḍ
Nnur-nnes d winnem da ggaren ilan.
- 259- Da tḍemmeε taz Zitunt ad temlil
Ur da tzerrem taḍuṭ iṭwma Rebbi.
- 260- Han izem inder agensu n lyabt
Ku yan yisin mag isares laṭer.
- 261- Nnumey izem yad ur i-ssexliεen
Tella ṭṭbiet digi n imenyi-nnes.
- 262- A talxatemt ag afus ira-kem
Allig kem-id-ssuglen iεecqaqen.
- 263- Amuttel issen mag isares laṭer
Idd is teggwett ad ikk aḥanu-nnek ?
- 264- Seg mayed i-tesdaddid ur k-witey

- Tasa-nnek ayed digi, amez luqquer!
265- A talxatemt ikkan aḍad n uεecqaq
Ika-kem ssēd i yan uḍad bu irkan.
266- Ur idd is d-idda uḥdadi yer ssuq
Xes ad irez ul i imeidan yuyul.
267- Tga dduyt lmital n yigran eniy
Ku yuwen ayenna kerzen ayed iserwat.
268- A wa ixater wasif nna s d-teddid
Issawed-i qennad i© ka bla Rebbi.
269- Meqqar da teskikkiyed g uxbu nenyak
Usiy-d ameεraḍ nḥeyyed-ak afus.
270- A tiṭ-inu tannayed s amda aman
Ifassen ur ten-uwiḍen fad εerrmen-i.
271- Ay amer ay-tgid a leqqileb i beṭṭu
Ku yan yasi-d amur-nnes ayed iḥellan.
272- K-i-d tuyrift han azgen ur ay-gin aḍu
Yuf is naẓum allas ur ay-d-ikemmil.
273- A bu snat n titar a k-ihdu Rebbi
Ur da ttmunent xes ayed ak-nniy !
274- Riy snat n wallin uma yat ur i-tgi aḍu
Ggwdey a tt-iḍer ka qqimey g udyar nnik.
275- Ggwdey a k-ḥerriy amm ulywem ayed iceqqan
Aha txiter tiddi-nnek mandi ttekkad?
276- Issawed ulywem a k-iney mayed ur iḍae
A wi wṣut icirran-nnun g uferruy!
277- Yayul yizem ḍaras, ur ay-gin aḍu
Seg mayed ur bḍin ileywman d umeksa.
278- Addag tnedred ay izem mayed ak-iḃin
Waxxa tḍaeem han imeddihdan llan.
279- Hat afrag n wuzzal ami tgid iyil
Udu tḍemmēed ula mani g d-teylid!
280- Ur da ttmuney ḥaca nekkin d isenfiy
Iwa mek yurek mayed i-tteggad g-i-t nnik!
281- Ggwdey i ufus n ka g winna iyeffusen
Adday t-azney ad i-d-yaḍer winu.
282- A wa ur ak-ttazney afus-inu
A wa s adyar nna g ittasey lusex.
283- Ig' iyef-inu Sidi Ḥemza ig' amellal
S mayed as-ttiniy d mayed i-inna.
284- Key aymi teyra dḍeūt ur i-igi Rebbi
Mek ur yurek lukalt mas d-teddid?
285- Tusi tyufi lektab ar teqqar
Tufa-nn asmun ig' ṣṣabun yamum.
286- Teknamt a leetabi, aḥuder as ddiy

- Ggwdey ad leqqiy i ka iddu-d wafella. (Σli u Baεessu)
- 287- Negr' am æban a tamagayt, iri
Mimmim ayed igan ssibba i tyuni !
- 288- A wa şayrat-ay a widda ħkemnin
S yan udyar a nyez ad afey aman! (Uεesta)
- 289- Reżmat-d i lĥeĠĠat-nnek a bu tĥellal
Dyik ayed ilaq n wad ak-ferruy.
- 290- Matta uterras iga bu tmeεaṭ
Sillyat-d azerg i bu lmaşşā!
- 291- A wa tṭacrūn ayed d-giy zarrun
Ay asammer ira ubrid a kwen-kkin!
- 292- Meqqar da tekkatt a meskin g ukeccid
A wa ixater εari idd is da ttesmuren?
- 293- Lfal n useggwas ammi d-ibda s lxiṛ
Hatin suley naggum mas i-iggar Rebbi.
- 294- Ay ayt ujellab ixulef uḥuli
Idd amεellem midd unna iran işum?
- 295- Han itri n tizi-lliy ur isul
Idd is iyley midd is i-d ur yuliy?
- 296- Tella rriḥt n yizem da d-ttĥeyyar
A wa εayden-d ay akabar yifun.
- 297- Sniy-as tiṭ i umεaz ur nuḍin
Xes yat tixsi tureymudil walu-tt.
- 298- Iwa berreḥ-as i wenna d-inmalan
Is ur ittyafa umεaz awen-iddan!
- 299- Meqqar am-grey a taḥizunt aḍar
Ad tawḍemt aleġġig ur tennid !
- 300- Qqney iyyis yur uleġġig ur yuwiṛ
Idd is ur t-uwiḍen midd ur t-iri?
- 301- Ay irir nayul ur idd imkilliy
Ur yad ifriḥ ugred ad i-kwen-inin.
- 302- Ah ay a wa a taḥdadit ad am-alley
Ah ay a wa tariyt-nnem tugg' ay iyef.
- 303- Fiyey ad awen-ggalley ka g rrwaḍi
Ur sar ak-tekkat lbiban s ufus.
- 304- Mer yufi uḥizun afud as-walu
Ur sirisen aggwa-nnsen ad ayeṇ akal.
- 305- A wa laṭer as ittunada uylas
Hat yan udyar iffren ag ittyima.
- 306- Hat ur da ttunadad a leynimt
Unna ira Rebbi da yas-tt-akken.
- 307- A wa ©©iy g tuga tasemmamt
Γas ad celleley agensu n imi-nu.
- 308- Ur i-tbaṭ a tuga tasemmamt

- Amuttel ayd bubbiy iṭṭef ẓarem.
309- Issafed-i Rebbi bbiy aseklunnek
Ad ur εawden ad i-yarew wayed.
310- Ad iεfu Rebbi dlen iyenkannek
Ad ur k-ijbed ugatu n umuttel.
311- Ad ur talled kigan imetṭawen
Key ayd illmen iguta n umuttel.
312- Nsares anaruz ur ay-ṭfaren
Key ayef imyagar uṣetṭannek.
313- Ssney is tuwey digun amm lkucet
Ka ur awent-gin imetṭawen.
314- Seg mayed ak-ggudin ikecciden
Kulci ssney idd ad t-tesyused.
315- Ur d-iεayed yad unna immuten
Ssufey anaruz-nnek i waḍunnek!
316- Seg mayed ak, dyi, grey iselliwen
A wa nziy anaruz-nnek is ay-iffey.
317- Han larziq n tudert is bḍant
Ixxa leib mek i-d-ikka imi-nu.
318- Faley is ur illi leezz amm win ddunit
Mek ur nanney tallunt inniyey imeddukkal.
319- A tamlalt xur-am han uṣṣkayen datam!
Ku yuwen idmeε ad asen-d-yamez iyjed i ka.
320- Meqqar tanney tiṭ-inu aman di teybula
Mayed i-ittalin εari n tatṭerjanin?
321- Hat da kwen-isseknad lxaḍer ay aḍar
Hat a kwen-yamez ka g winna ur ittekkulen!
322- Zzaxt amm tzizut ussee-as afus
Ur da tt-isdiddiy unna icwan.
323- Illa lbiε-nnek idd is ur t-tezrid?
Annayey akessab idda yer aḥuli.
324- A ta hwiγ a taxamt ur am-giy agatu
Maca, iεayed walli igan ujdidi abaliy.
325- Ay ayd ak-ttiniy turu-d ka s ddunit
Da yi-tferrhed adday tannid ka ijra-yi.
326- Meqqar tannid isaffen tga-ten akw ddunit
Ha lein ibaynen unna g tsul lhimma.
327- A tayzi n iwaliwen amm ubrid g wakal
Ay amer iḥedda ka g lqisset a nn-igulu.
328- A k-zzurey maka xes ulawen ayd walu
Meqqar d-idda ka n leedu ur ay-d-yuwid.
329- Ur da ttidum tmara xes unna iran ad ixxu
Ay aymi ccḍen idarren g uyu-lliy idawa.
330- Unna iran ad isiwel yisin mayed d-inna

- Hat ur da ttegga lixra amm win ddunit.
- 331- Addag tannid ay iyef-inu ccruḍ ad ilin
Ad ur sar ttinid waxxa ur ak-d-yusi.
- 332- Han bu ddheb igellin yay-t ka
Hat iccar d bu jjuḍiyt taḥanut.
- 333- A wa, iḥemmer bu jjuḍiyt yif ssuq
Ur iḡḡi Ljid i ayt uḥemmiḍ.
- 334- Mek illa lebla aḡḡar-inu ayed d-ikka
Uma aḥraq ur issin ka ma illan g datas.
- 335- Aḥri-nnun, a bu lmal, ayd awen-d-iddan!
Han anḡar g ḥari, tga talmut ddunit.
- 336- Zziy da tessuwudem ay izem awd ḥari
Annayey isekwla da ttexemmamen ad ggafin.
- 337- Han bu ṣṣennara myar ur giren abaxxu
Da iherreḍ ka aslem yacek-as g waman.
- 338- Hat ixulef-am uleḡḡig a lfeṣṣa
Kemmin aymi ggaren inuguḍen iyil.
- 339- Berṛa n ubrid ag nn-gan lafut
A tariyt ur akwent-igi xes ayyis.
- 340- Aman n umeglagal ur ṣliḥen
Tufed-i a fad ula neswa-ten.
- 341- Isxusem-i Rebbi g imi n ifiyer
Busee ami t-gren ard t-i©©©.
- 342- Ay aḥban n taḍuṭ a k-nsires!
Ttirgal ami, diy, iffeyy isem.
- 343- Mayed akwent-giy a lemḥayen
Allig da tezzademt afella-nu?
- 344- Addag da tezḡaṭ a taḍerḍurt
Nger iḡran ula da ttisellint. (Sakku)
- 345- Irḡa umareg digi tasurift
Ḥḡun tusey laban iselliwen.
- 346- Ay asmun ara-d amur ay-ak-t !
Unna iyedḍren ad as-iḍer winnes !
- 347- Ay iyef ay aciban a k-nsires
Mer idd biḍagaz a nasey wayeḍ.
- 348- Ur da ggaren winna imeadan taggwat
Ku yuwen ad iyḍer addag tt-asin.
- 349- Mer ufiy nekkinn d mi d imsektaren
Ay aggwa-ddey ur inessa g iyef n yir.
- 350- Addag tannid aḍil imun d useklu
Ad ur tteggwett a bab-nnes ad yay akal .
- 351- Hat ur da tessiwitt ay izem n texriṭ
Meqqar tunfed imi-nnun ur da tteččam.
- 352- Unna yef iḍer yiḍ iṣber ad d-yaley wass

- Ad ur yawey tillas g mag d-itterza.
353- Ad am-ḥudrey a ddunit ard i-terwud
Addag ḍerrḥey unna nufa neg-as l'xir.
354- Unna ur imellulen ass nna g d-ilula
Maymi iḥla biḍ ula iga-t uyu?
355- Awiss mayer tuwid a targwa aman
Han igran n tama n usagem ur swin!
356- Amuttel ibubba-t ufellaḥ d uxwemmas
Nna ur am-igin a targwa lefṣal.
357- Mek irḍa cceeb aya ad ijru yifi
Ad iddu rreṣm ar i-isfurdu leḥkam.
358- Furey ag llan imetrage war ccan
D winna ur yuwilen ur aḡ-gin amur.
359- A Rabḥa Σεϥϥa, ssiweḍ mayed am-nniy!
Han uccan g wulli-nney tazza ku ass.
360- Munat-d a cceeb! inn' awen sidna: Ferḥat!
Ur illi umxilaf ḡay d ayetma.
361- Tella lḥuriyya g kull mandi tekkid,
Ddayra-nney hatin nsul g unemri.
362- Inn' as urzan i uzrab: A nmunat!
Maka εeyney da ttemzagalen winnay.
363- Senyay a l'emr-inu da ggarey ilan
Tuf-i lixra anect-a d imximman!
364- Selmat-i mek illa leḡrig a nmunat!
Amma ruḥey amma nektab i yiselman.
365- Tella tayed nn' awen-yugren lmut
Addag inḍew ka raren-t-id i tmara.
366- Mer idd ka n lḥaṣul ay iger a k-nṣum
Idd ad εerrtey i ka g usuḥed ur nniy.
367- Grey aεban g yan umessired ar imal
I mayed iḡin ad t-ikkas mayed ur lliḡ?
368- A wa mdiy i wudad ikk εari
A wa timlalin aya d-ik' Rebbi.
369- Irra Firεun ayenna d-ikken assas
Allig ismar usemmud iḍer aman. (Σmer u Meḥfuḍ)
370- A tixsi n tyuni kem ayed i-irzan
Hat ur am-d-nuwiyy g yigran aḍu.
371- A ayt ujemmuε, idd amuttel ayennay?
Ka i©©a-t s wudi ka ur immensiwi! (Axmuc)
372- Ḥḍut iybula n tmazirt-nnun
Uma tignut ad tezrey, asekka bbin waman.
373- Ay aqmu n lemεadin ay ul-inu
Unna d-yulin iger taεemmart.
374- Ullah amer ssiney taddart-nnun

- Ay amarg qqarey-d i bu lminat!
- 375- Tgid a xub ammi k-turew yu
Neg' ak g tuggerda-nu amm leil.
- 376- Terrid a şşber tiwura d ayt lmal
Unna mi ten-ika Rebbi g wul yuf-as. (Şmer u Meħfuð)
- 377- Aman a ccjert a kwent-id-isxitiren
Ur da ttayed a ddilit i bu irifi.
- 378- Ggwdey-am a ccjert i Rebbi ddaw wakal
Matta d' am-d-qqazey yad i yizuran. (Lbaz)
- 379- Mani g iħda bu temxibin Rebbi
Xes ibna bu ufrag i useklu. (Şmer u Meħfuð)
- 380- Iðer-ak iyef ay aluqid ayen akal
Ur i-tay tasa-nnek a k-id-ikk wafa. (Şmer u Meħfuð)
- 381- A tiyni n tmazirt tugid ad terwud
Da ttarew kigan teayed ayiyuy.
- 382- A tann ittraean asidd i tduri
Zzin idher ayenna g ir' yili.
- 383- Giy tisent ig unna nra aman
Addag nemmey tadersi-nu ayennay.
- 384- Unna igan şşabir illa leefu
Ur iweir usaddi yurek a Rebbi.
- 385- Suley a leefu giy-awen ademmas
Seg mayed ur nelli ddawawen ay akal.
- 386- Aeri-nu labas yuri
Hat ijjeý uetṭib ammi ur i-ikki.
- 387- A tagrut n waman bdu d buccidan
Hat a nn-tayed taemt mag d-ttalid?
- 388- A tallwizt kigan yifem ayennay!
A wa sniqes-as a bab-nnes ad tt-isey ka!
- 389- Ggufiy asif ggadin waman
Riy ad suy, azeddag ur t-ufiy.
- 390- Mek idd amm kem ayed naggum s iman
Ad ay-ik Rebbi tenna g ur nenkir!
- 391- Gery imyi n lluz innal tiyerzi
I mimek ittegg' ad issusee izuran?
- 392- Isul uybalu n Ljid ittfeyyaen
Ku targwa tusi-k-id a elaxir.
- 393- A wa ggafey aqqa seg Ziz ar Leħrun
A wa g-as leyrad i tadda k-yurun!
- 394- Ur iħli umεaz i ka ula luşul;
Lxaðer izeddigen yuf tiwura!
- 395- I maymi teħlam ay idudan ku ass ulum
Illa rrezq imun ar ten-id-ibetṭu Rebbi.

- 396- Ullah a leïd-a mek t-igi umata
A wa gan-d amm inejda da ttsaran.
- 397- S tiṭ-inu ilin inigan yuri
Xes ilammen as awen-d-gan leewil.
- 398- Axxi d iger! Axxi d amud i tḥerrat!
Ad as-isyella Rebbi i bu lmaḥal!
- 399- Nnuṛ a kwen-ittawin adday teddud
Ay asufey ar aleḡiq iq t-ira.
- 400- A tasafṭ illan g tizi n ɛari
Idd is ur teggwidemt i bu lmençar?
- 401- Tixt ayed digun illan a ka
Uma leib llah mek ay-t-tufim!
- 402- Mer igi lmal amm igidu n wasif
Ur sar ismar amm lḥubb iqḍa-yay!
- 403- A wa stahley ad ay-i© uferṛan
Zzin hat iḥubba-t unna icwan.
- 404- Unna ifuxren ad as-irru Rebbi
A wa zriy-t yad ur i-isennemri.
- 405- A wa ḥḍiy s tifawt tugey ad teffu
A wa ul-inu ayed yallan ur idd mummezri.
- 406- A wa ndun-k waman ay iger axatar
A ta tṭyaḍend a tirect iddey ur llin.
- 407- Tgid amm tayaṭ geṭ udi iḥerran
A wa da tṭserrafey tidda iyweccan.
- 408- Giṭ azduz ig xizzu-nnek aman
Da k-kkatey irar-kwen-id iflilu.
- 409- Aḥuder ayed ḥudrey amer nimey
Terṣamt a leṭtabi ayerri-nu!
- 410- Ixater uduku g greṭ aḍar-inu
Ad iss-naley tizi ad t-nsires.
- 411- Qqney-ak uccen iṭṭaren amuggu n wulli
Ad asin tadday nna g ill' muḥul! (Uḡesta)
- 412- Nka i yiṭwemdan imi g yat tḥanut
A wa tuymest ittergigin kksen-i-tt. (Σmer u Meḥfuḍ)
- 413- Illa-nn wawal g tizza n ɛari
Unna s-iyran ayed da d-ittɛayan. (Uḡesta)
- 414- Idda lbas d wagu yuwey aṣemmiḍ,
Han itran qad afin tamelli. (Sakku)
- 415- Han afrux axatar meqqar t-iwet bayyud
Sulen iṣettag amm netta llan g wakal. (Σmer u Meḥfuḍ)
- 416- Bu tiskert-lliy ixzan ayd iwet bayyud,
Ma widdey imezzanen ur nessin mayed d-uwin!
(Sakku)

- 417- Ṭfaren isekwla aqbu abda g d-lulan;
 Ġġin tannid użu n tazart ad gen aḍil? (Σmer u Meħfuḍ)
- 418- Ah ay a wa ur ta iyy ugujil i waḍu-nnes,
 Issawed ad temxuzzud a taxamt! (Σmer u Meħfuḍ)
- 419- Nedda-d riḡ ljiħad, unn' as-iyyen,
 Tiḡilt ayd nadaḡ, unna tt-iran. (Ayt Taltefrawt)
- 420- Tiḡilt igen tazuyyi n ka terwa;
 Xar-ak tin ššabi a k-yay ḷear! (Σmer u Meħfuḍ)
- 421- Ahayawa awa a ddunit a mm lbaṭṭul
 Ahayawa awa tefkiḍ i ka tezriḍ ka.
- 422- Innay yiḡrem d ayt wuddur t-ikkan,
 Inna-as: "May i-tesbabbam liħuc?" (Sakku)
- 423- Inn'ak yiḡrem: "Ka n ḷeib ur t-nniḡ,
 Keyyin ayd iran anada n wawal!" (Σmer u Meħfuḍ)
- 424- Tamazirt-a, ametrug as tebḍa,
 Unna tt-ikwejmen is ika bba-nnes afa. (Lbaz)
- 425- Ad ak-alley a iḡrem iġ'ak waḍu
 Xes arraw n umuttel mi d-icceḍ ḷhal. (Itij)
- 426- Čhal ayd ikkan amazir yittiy
 Wenna t-ixwan irħel ad ikwjem ka. (Σmer u Meħfuḍ)
- 427 Waxxa ay-ruran lebruj imkilliy
 Walu madden nna d isaga yiḡimi. Σli Cerwiṭ)
- 428 Tgid-i, zman, a tamazirt, ḷxir;
 Assa, da ttxellaf tyuga-nnem użan. (Sakku)
- 429 Unna mi tgid a tamazirt ḷxir
 Ur iss iħmid i Rebbi da ten-ikkat. (Σli Cerwiṭ)
- 430 Mer da k-isniqqis a uddur wawal
 A nn(i)-naf ḷari ur da d-ittxitir. (Sakku)
- 431 Mer d akw ijmie yiḡrem ad isniqqis
 Uddur ur yufi, tegra zzaxt użan. (Σli Cerwiṭ)
- 432 Max użu-nnem a zzaxt, mag ittyafa?
 Hat ulawen, ur idd igudir yukin. (Itij)
- 433 Iqqima yiḡrem ar ḍyi g as walu
 Azzar iḡwman ag inada ḷhenna. (Sakku)
- 434 Dilli g i-zedyen ayt wuddur namu;
 Ḍyi, han meyya n lbiban yuri. (Σli Cerwiṭ)
- 435 Ur yamu yiḡrem ar ḍyi g ittlaca
 Ar ittubdar is iga bu yiḡenka. (Itij)
- 436 Iga yiḡrem amm ugujil meskin
 Tedda mma-nnsen tuwel, bab-nnes immut. (Ĥeddu Ijja)
- 437 Ay ag amnay, a tamazirt, ikka

Unna mi ifukjka lemdud iffey awal. (Sakku)

438 Han iyrem da ttergigin yamum

Mek t(i)-ttaşen ad irdel ad ixlu ka. (İtîj)

439 Kkiy-d iyrem igellin sawley-as

Σezzay-t-id g wuddur, ur yad t-ili. (Sakku)

440 Idda-d Yigli, llan yikabaren kullu,

Ddan-d ad εezzan Hmad iwlella. (Σli Cerwiṭ)

442 Ur d'ak-ittættar Ljid a mkerdul

Fisæ, ider unna t-inadan yufa-t. (Σ. C.)

443 Da ttiriren willi s tnadad tillas

Ar allan winna k-iḥubban

kullu. (Σ. C.)

444 Wenna k(i)-iran a sseəd ad ur yittiy

Ad ur ittšara g unada n tillas. (Σli Cerwiṭ akud nna g idra

Hmad Uεsisu g tefranin n 2003)

445 Σemlat-i mek illa leḥrig a nmunat!

Tuf-i lixra anect-a d imximman. (Ayt İyerŸer)

446 Senyay i leεmer-inu, da ggarey ilan,

Ad iderreh amma iktab i yiselman. (Ayt İyerŸer)

447 Ur yad, a lebḥer, ak-nḥubba lḥerma,

Neqqa kull ma k-inn-inadan s aman! (Σli Cerwiṭ)

449 Σlaxaḍer illa rrbeḥ agin-ten da

Ur da t(i)-ttnadan s mag iffer iqqim. (Σli Cerwiṭ)

450 Awa, xxan lebḥur, ur idd is ten-ran

Tga-asen zzaxt, εad, ad ten-kkin. (İtîj)

451 Tagrawla, ur idd is tt-ugin warraw,

Σellan-as leḥrig, afud, ur t(i)-lin. (İtîj)

452 Ay ag agrawal ur igi lḥaşul!

Abniq ag t-gran allig immet iddu. (İtîj)

453 Senyan I usemmud-nnes ad ikk luεur,

Mer irah yawi-d jjib itkwar-as. (İtîj)

454 Hatin iger ilan ir'ad iffey afus

Amma raḥen amma iktab i yiselman. (İtîj)

455 Ljihad ayd iga leḥrig a lwacun,

Unna asen-iyiyen is iga Buetata. (İtîj)

456 A asmun a wadda riŸ sawal-i!

Idd is teggwded ad ak-iqdu wawal?

457 İtṭaqes uleğğig nna trid a ul;

Han almuten da zellan tayufi.

458 A asmun a k-id-irar Mulana

Meqqar ḥasbey idd is ur yad tellid!

460 A tiyni-nu ur am-ssugirey aḍu,

Dinna kkiy han axemmuj inŸa-yi. (Σli Cerwiṭ 2008)

461 Tezzrey tiyni axemmuj-nnes iddu

- Ur ixxi xes bnađem mi d-iffey imi. (Σmer)
- 462 Ṭtaṣey-as lbab i lixra s ufus,
Inn'ay-d udewwab-nnes: "Ur ta k-nri!" (Σmer)
- 463 Nga agdud (i) teddud-d a ḷamil;
Nra a nejmeε i lemħibba n lmalik. (Uεesta 1960)
- 464 Digi tayri n ugellid a ḷamil,
A wa ssiwḍat-asen-t adday teddam! (Uεesta 60)
- 465 A k(i)-nazen ar agellid a ḷamil,
A wa cahet yef U Meryad is t(i)-ran! (Uεesta 60)
- 466 Unna yi-d-yuwin tazedgi amney ẓares,
Ur ugiyey bnađem iεezzan ig t-annayey. (Σmer 1960)
- 467 Iccar uybalu d win leydir i yifellaħen,
A asagem, isul ka ijra-ak s lħilt. (Σmer 60)
- 468 Ur ta ssiney idd ad txedmed akal s nniyt,
Mek ur i-tbeddiled iserdan ur k-uminey. (Σmer 60)
- 469 Idda bba-nney syur yigujilen n yillis
Iddu-ay walabudd ad ides nẓi. (Sakku)
- 470 Seg dilliy g d-tusim ad as-tinim
"Texxid" ayd idda s yigujilen εenwa. (Σmer)
- 471 Mer day ur sar ay-inada s tukki
Mek ira ikwjem azerdab-a yef yillis. (Sakku)
- 472 Ku ass, han ayuyyi ikka-d yur Xlil;
Kem ag d-iffey wafa a Tuyza n Γris! (Σmer)
- 473 Han aggu ixwla Mmuneħya d Butenfit,
(i) yalen Yizerraren is ur ijri waḍu. (Σmer)
- 474 A Tilwin, tgid-as ifadden ixataren
Allig da issiwid Ugawez Ayt Mucc. (Σmer)
- 475 Dilli, iẓil Γris ineccaden ur llin,
Dyik g imessus ayd t-id-nay s sin. (Lbaz)
- 476 Tsul tazedgi g Umizar d yiεezzan,
(i) luqt ayd yayulen tuder i ku yan. (Σmer)
- 477 Cuf i Lbaz ttun ayelliy d(i)-ikka,
Inaker Uεesta t-irebban dat lħal. (Σmer)
- 478 Mek idd tamessi, tuli-d akw g yiγerman,
Maca ur ibeddil unna igan lħurr. (Σmer)
- 479 Iga Γris ḷein ig bnađem iselman,
Unna iεekkzen aman iεayed irifi. (Σmer)
- 480 Waxxa txater tid di tellid g uqecmir
A agḍiḍ n εari εenda-k d ušemmiḍ! (Σmer)
- 481 (i) han diy ṭtir ass nna g yuyella
Ammas n uqecmir izrey-ak-d ašemmiḍ. (Uεesta)
- 482 Meqqar yuyella s yigenna ig-as lxir
Adday tuħled a ṭtir iεayed aqecmir. (Σmer)

- 483 Han afriwen yuri, key ayd itteddun
A agru yef wakal, ur igi Rebbi! (Uæesta)
- 484 Key ami ixxa rray mek ur da tessad
A agru issara-k a amda s uðar. (Σmer)
- 485 A agru şber ar adday nhuder ar asif,
Ad ur tteggwedded idd a neccur g yisendiw! (Uæesta)
- 488 Ggwdey a k-yawey wasif, a agdið, teemid!
Ma agru izra-t, issen mayed ittekka. (Σmer)
- 489 Ræeb ay k-uqqrey allig ur i-tgid rray
A agru, mek d(i)-teffyed amda nasi-k! (Uæesta)
- 491 Hat ihða ugru ttir adday d(i)-idda
Iæayed i umda nna g ur idrik aðu. (Σmer)
- 492 Hat idda ttir ayeñ-d ir g ur ixuf
Mek as-yuweð wass iffeý-d amda yasi-t. (Uæesta)
- 495 Ney ismar ttijal a agdið teemud
Ččin-k yimedwan injem ugru netta. (Σmer)
- 497 Unna isuðen g uyu-nnsen ard as-ddun
Ur liy diges tasa mek'ra ig amuðin. (Uæesta)
- 499 Rray d yidudan izeddigen ur llin
Berray-t ufen waman aýu n bu yirkan. (Σmer)
- 500 Mani g sar tlid ineeýaben a aýu?
Wadday mi ur t(i)-iki ssee ayd iceqqan. (Uæesta)
- 502 Mek ur d(i)-ikki idudan g ittemlil
Myar t-ižžeg war ul ur izriy uýu. (Σmer)
- 504 Inwa lxader n unna ihðağğan aýu
Ur da ttsalen yad idudan d(i)-ikka. (Uæesta)
- 505 Tella ttusekkiz, ur i-t-iqbil yimi
Ur izriy uýu nna iccaren d urekkiz. (Σmer)
- 506 Unna d-yay yirifi yuzzla s aýu
Ad d(i)-hyun rruħ, ur ikkul g urekkiz. (Uæesta)
- 508 Ur infie amuðin uýu n gar afus
Myar t(i)-iswa ad iæayed iyenka. (Σmer)
- 510 A k-inn-ig Rebbi yef wadaw n Σrið!
Yili udfel, arkes ad ur tafim! (Lbaz)
- 511 A k-inn-ig Rebbi yef yigidu n Fežna
Iħmu yifek uzal aha bbin waman! (Σmer)
- 512 Terwid a lkif i urgaz ancawi
Ila rriħt ar ittegga g yiýef rray. (Σmer)
- 514 Xes da k-isniqqis a xub i mkerðul!
Ma aggu ur inni nnfee ad ides imun! (Ubaæssu)
- 515 Tga ddwa i wulawen teg awd asafar
Uma ddnub d lujur ddan-d akw s sin. (Sakku)
- 517 A lixra mer nufi ad i-d-yaweð wass
Seg wis da ttejrun yiserēiben ixatraren. (Sakku)

- 518 Tenna izemmem yifi Rabbi teg iselli
I mayed ir'ad as-ig bñadem i tennay? (Hda u Σli)
- 519 Inn'ak Mulana: "Ggafey s yijjyal a ul!
Max is k-uzney ad d(i)-teswim g urekkiz?" (Sakku)
- 521 Agatu ur illim g taḍut ḥaca!
Ula da ttyafa g unada g teyrar. (Sakku)
- 523 Mer yir ikḍif ag d-tugga tḥurra
Ney iss izḍa tajellabit ufus. (Sakku)
- 525 In'as i uyibub : « Ddu ha Umehfuḍ!
Hat Tizirt ag ak-ttuga tmeyra!" (Sakku)
- 526 Mek idd Ulerbi Amaziy n nniyt,
Ur as-iyri I umxib, ur t-iri! (Σmer)
- 528 Tennid i Σli ayibub is texwḍid,
Iyra i Σmer yaḡḡ-k-id ur terḍid. (Σmer)
- 529 Tga mma-nnes tṭibee, bab-nnes lein,
Zḡan-ay-d uzu n lluz i umalu. (Lbaz)
- 530 Lexwmisat, Zemmur, yrat-d i Ususiy!
Wennay ayd igan Amaziy n lhurr. (Lbaz)
- 531 Ar ittimsid amm ṣṣabun wawal
Ger yimawen allig ur igi xes aluff.
- 532 Issagel ugerrab aman s ittemtat
Allig yuweḍ lajel yawey irifi.
- 533 Qenna k(i)-rwiḡ, ad tezdig ur tenni,
Ad d(i)-naḍer aman nnigak eenwa. (Tuḥi umas n Ittu
Ḥsayen n Ayt Σsu)
- 535 Tekkid i tferkit n Wudayen aḍu,
Ur iddf aqbu n U Meryad ag tamud. (Tuḥi)
- 536 Yuf-i bur neqqim g taddart n yu
Ula uwley mayed ead i-ineqqan. (Itij)
- 537 tayul tergwa-nney da d(i)-ttæmmar
Σla xaḍer illa Σeddi g ayt rray. (Ayt Taltefrawt)
- 538 A bu yiger mek awen-t-uggan waman
Krez, ad ig Rabbi g ṣṣabat lufa! (Sakku)
- 539 Ayuley uḥley-am, a tamadla tteṣṣa!
(I) ṣamḥ-i ma dilliy sxubey-am aḍu!
- 541 Adday tisellid i ufdiz da ikkat
Hat is da tteddzan yiḥeddaden imeṣmaren. (Lbekkay
Iyeryer)
- 542 Nekkin ayd kkatn yizan kullu
Ammi asen-rbiḡ g tadawt ayu. (Σli Cerwiṭ 1973)
- 543 Dyī g ay-teggudim ag ay-terwa,
A wi yat tcekkwaṭ a izan teddum! (Σli Cerwiṭ 2006)
- 546 Han alḡaz-lliy uwqey-as da tteččay,
A amer a Rabbi isduhed-i iney-i!

- 548 A alžaz, a wa k-ittebbin dat uđar,
Myar da tejjujuyed ka ijawer ka.
- 549 Tgam i lebher-inu tizzit ẓarrun,
Qenna k-ičč zlin amazir ɗarak.
- 550 U sar iğguwin yigidu-nu aman,
Mer yufi lebher is ten-id-iswa kull.
- 551 Yayul mayed yuri iezizen imessus
Idd iyef ayd yattuyen midd laweqqat?
- 552 Seg mayed ur trid iyef mayed imellul
Ill'ak diges ka yili g laweqqat. (Σmer)
- 554 A iyef-inu ɗumat bnadem amm uyu!
Tzayed-i lemhibba, beṭṭu-ddey iqqen-k-inn. (Sakku)
- 556 Ad alley i beṭṭu n yisenɗal g ur isul
Uđar yad ad issuref s aɗyar ira. (Σmer)
- 557 Bnadem iggzen ul-inu yuger-i beṭṭu-nnes
Ass g ay-nnan ad tilid g yisenɗal. (Sakku)
- 558 Unna nyan yimurig imun d ayetmas
Ma lixra ur yufi ad d(i)-gbun akal. (Σmer)
- 559 Griy azru s yigenna hat walu-t;
Ku yan iḥdu tiṭ-nnes ad ur teemu!
- 560 Wenna ikerzen ka labedd ad yasey ka
Amma d irden amma d amud n usennan.
- 561 A ta yer a tagujilt, wajeb i Rebbi!
Hat is ẓares tussah allig da teqqar.
- 562 A yu-nu, a Tamazzalt tugey ad tewsir,
Tsul da ttegga taninat g uyerri! (Σli n Σbu)
- 563 Ssney is xatreɣ, idd tuser yuger-ay Σli;
Ur i-tbaṭ i waɗu, sseɗ ayd i-iṙwan. (Tamazzalt)
- 567 Ssiwɗat aɛalim i bu ɗɗra, inwa;
Ur izri neck ami ttlen yigɗaɗ aɗu. (Tamazzalt)
- 568 Cuf ayd uzney ifassen tagey ad teqqim,
Ay amer nn-tgula Lemsider, a Rebbi! (Σli n Σbu)
- 569 Nessargu-tt i wasif ur i-igi Rebbi
Is digun anniy bnadem aɛewwam! (Tamazzalt)
- 571 Tkid-ts a U Σbu s abaɗar d uleggu,
Ma tinu, iferxan as tt-igra Rebbi! (Tamazzalt)
- 573 A taṭfi n ubaɗar ɗyik d uleggu!
Iwa čč a Tamazzalt han bufeqqus! (Σli n Σbu ayenna
teḥreq illis n Tmazẓalt tili s udis yili yures urba)
- 575 Ku amɗerr inin-ay ssibee Umehli,
(I) ẓun da ten-d(i)-ttasey g umda s ufus. (Σli n Σbu iddey
da ttarew Tmazẓalt ku aseggwas han tarwa)
- 576 A k-isyer Rebbi eawden awd i memmik!
Idd is baɗey yad i tenna iga Rebbi? (Tamazzalt)

- 577 A wa snat grant azatṭa g yiwen wass,
Rrant-ay mek ur asent-ijri waḍu. (Σli n Σbu)
- 579 Neg amm tin ukanif, a wa nḍur-d kull
I bu ssfud mek ak-ugin ayd ur irin. (Tamazṣalt)
- 580 A uškayen han uccen yay-d inurir
Ir'ad yasey tinna illan g uḥanu. (Tamazṣalt i Σli n Σbu yay-t ka)
- 582 Jemṣat-d a nemsifiḍ a udmawen kull!
Ha-ay da nettuḍu leḥwayej a neddu ! (Σ n Σbu)
- 584 Irwa uḍerreḥ maca issawed-i imki
Ad d(i)-ṭfuren yimuttil n tidgal aya. (Σli n Σbu i Uskwenti iddey t-iṣeyyer ad yini izli ur ta ččin imekli)
- 585 (I) nuḥel ak-ttiniy: "Aa sidna, teḥyid!"
Hat Aεraben d Yirumiyeṇ ayd immerḍan! (Σli n Σbu)
- 586 Iḥya-ay sidi Rebbi g ur nemmut
Allig ur neggwid i bujur n ufus. (Σli n Σbu)
- 587 Ur igi U Σisa Izem, ad ak-t-iniy,
Xes walliy d(i)-tumeṣ tagut yuri. (Tamazṣalt yef tin Baddu)
- 588 A imran n waman g yizey ur llin
A a kwen-id-isakkan azal g Umayā! (Σbi Σetman Tarekkuct)
- 589 (I) nuzen-ak-nn ayu-nu mayed i-tettud
Ad ak-gin cciḍan grak d uḍeggwal. (Σ.Σ. Tarekkuct)
- 591 Lmaḍa-nu yur ufeggag d uzeṭṭa;
Nṣameḥ-ak g ta, tandey ur d(i)-nekki! (Σ.Σ. Tarekkuct)
- 592 Ur idd ka n ugatu, key, as-d(i)-teddid
Wenna d-yuwin awal iqqim-d ad t-irar. (Σ.Σ. Tarekkuct)
- 593 Tgam Buneddah, is kwen-iyza memmik,
Yusi-kem a tarusi iqqim-d usettur. (Σ.Σ. Tarekkuct. Buneddah iga yan uṣekka tama n Tarda)
- 594 Asulbu d ssalaf ay ayd ur t-riy ;
Ay aymi inya win udis bu uḍran! (Rus)
- 595 Ixater-as udis, idd asureg imezṣiy,
Ur as-ṣiyen yiffan n taddey i memmis. (Rus)
- 596 Mek d-iffey ad temεawan d wağğar iεic;
Ur iweir xes ad ifrey ibbey-as rruḥ. (Σmer)
- 598 Tga luqt amm umalu d-imḍerran,
Σniy ur d-nessakel mag nettyima. (Rus)
- 599 (I) yaley is qqimiy zziy da ttedduy
Ad diy εaydey akal-lliy d(i)-nekka. (Agujil)
- 600 (I) gan tin ccaqur iεayed-as imi;

- Ur awen(i)-nessigir a iqwba aḍu. (Agujil)
- 601 Adda ur akrey ula ssney is giy læar
Wenn' ay-yuwḍen illa leḥsab yur Rebbi. (Σmer 31-5-94)
- 603 Han awd aḥebbas ig ur ijri aḍu
Amm ueban n ṣṣabun ig izwa iṣfu. (Σmer)
- 604 (I) cuf Seyyedna Yusef mayed ur kkin
Uyulen inṣer ig agellid n ayetmas! (Σmer)
- 605 Han iysan dyi rran-ten awd ileywman,
Adday ṣerrfen amuttel gin diḡ lḥurr. (Σmer)
- 606 Tassast isseṣṣan ayelliy d(i)-nekka,
Unna izuren g ufud-nnes iddez amaḥul. (Σmer 31-5-94)
- 607 Yuf unna igen ammi ur t(i)-igi Rebbi
Ad ur fehmen kigan ula ig' aḍeṣnun. (Σli u Baṣessu)
- 608 Bnadem issnen ur as-ggwiden i wasif
Leywcim d-iḍren aman ami tga tala. (Σmer)
- 610 Awissen iṣeṭwan-a ittugran s yiḍ
Idd ad ten-ig usidd n wass d ikeṭfan! (Σmer)
- 611 Sin, da nettini qennad gin lxir,
Kraḍ, wargey idd ifeggagen itterzan. (Sakku)
- 612 Ur ittaley ka g uṣeṭṭa n gar rṛay
Xes ad tḍeyyeṣ taḍut ula tga aḍu. (Σmer)
- 614 Ur ta ḡliyey tigit ula griḡ aḍar,
Icahed useklu is ten-id-yuwed ka. (Σli u Baṣessu 1956)
- 615 Inn'ak bab n tuga: "Isxuzzer-i yizri,
Ammi inurez waxxa ur d(i)-grin afus!" (Σmer)
- 617 Xes is tubey nḍie Mulana
Matta ḡliy-nn a iger najey amalū. (Σli u Baṣessu)
- 620 Isagger-nn xes is as-iḥaḍḍer uṣessas
Uyulen ar ttinin itub Mulana. (Σmer)
- 621 Iwa zriḡ-d tama n umuyed-a nṣem-i
Inn'ak: "Sikk-d ḡifi leḥdid hat nwiḡ !" (Σli u Baṣessu)
- 622 Inn'ak bab n tigit: "Ara cchud-nnun!
Mek awen(i)-neyra ddu ḡella bla leflus !" (Σmer)
- 624 Furi cchud n mas ur nwajeb i waḍu
Allig d(i)-iyra ḡiger ,agey a neddu. (Σli u Baṣessu)
- 625 Iyra isidmer ikk-as umareg amezḡuy,
Iḡal bu ccekk is as-iwajeb useklu. (Σmer 1956)
- 626 Ut a ṭṭaleb ut a amazan ḡifi!
A wa turew-i-d a nebḍu d unna riḡ! (Zayd Ṭṭawes)
- 629 Nniḡ nek ur i-ibaḍ ṭṭaleb i waḍu;

- Idd is da meħħun ayenna iga Rebbi!? (Zayd Ṭṭawes)
- 630 Kkiy timezgida s uyras eṣiy
Anniy wayenħubba ttuy-k a Rebbi ! (Zayd Ṭṭawes)
- 631 A bu lbaṭṭel, bubbiy-ak-t ar akal
Ar adyar g ur illi nnekran. (Zayd Ṭṭawes)
- 632 Xirawen ad ttinim tifawt ayd d-iddan !
Γas is wargey asidd matta tsul tga id. (Σli Cerwiṭ)
- 633 Xirawen ad d-tfagam hatin sulen g wammas!
(I) yaley is d-lulan netta ur t'akw d-yuliy. (Ḥmad Ḥeddaci)
- 634 Tarbat-lli nna nra tattuy g wawal,
Iga xyar-nnes aman n maruren, duyen dati. (Ḥ. Ḥeddaci 1996)
- 635 Tut-aney awettu tetṭef-nn isnayen gen winnes
Tamez-as-nn i bu tkeffut mayed d-imun. (Ḥ. Ḥeddaci)
- 638 Teynes-asen icuḍiḍ i uẓennar ma agunun
Tut s yiwerzan-nnes ad ismutter zumar.
(Ḥ.Ḥeddaci)
- 639 Tawtat n tarrast-lli ddzant-d akal,
Ika-tt uẓelmaḍ i uyeffas, da ttemgulluy. (Ḥeddaci)
- 640 Ismar unezdam, iqwba sulen-as g wakal,
(I) mas ran ad asin winna iẓilen g
waqqa-nnes!?(Ḥeddaci)
- 641 Idda ubuqes n usidd gezzulen gan agatu,
Xes da t-kerrsen, a tazdemt a kem-inn-sgulun.
(Ḥeddaci)
- 642 Amnay-lli yumzen tastawt g ufus
Da tt(i)-isfiwit, ku tasga tegba-as. (Ḥeddaci)
- 643 Ir' akkutter d ummutter (i) alwun yidukan,
Hat iwet aberbur-nnes akw ur yanney datas.(Ḥeddaci 1996)
- 644 Lɛar-nnek a iyef tizza ɛlanin
Ad tawim lufa g tmizar kullu! (Σ. Cerwiṭ 2002)
- 645 U sar aney-iffiy Umaziy tasa,
Ur izzazey ula ggwdey ad aney-ittu. (Ḥ. Ḥeddaci)
- 646 Mami ħlant tiddiwin n rrekɛat?
Wenna ur izeddigen mayef ikennu ? (Bba Ḥeḥuc)
- 647 Tsuled a Gwelmina teddid g uferruy;
Wenna sxatren ar ibennu ig aceffar. (Σ. Cerwiṭ 2009)
- 649 Seg mayed iḍer wul i berraj g yiselman
Sulen ad ičč ka g yiɛfran s ittemtat. (Σ. Cerwiṭ)

14-5-2009)

- 650 Han amgun-lliy iffey iddey imessus
Yufa bba-nnes yayul ur idd winney kull. (Sakku)
- 651 Wenna icahden awal mek ijra işhu
Is ishallel babbin lehşab g yisenđal. (Σmer)
- 652 Hat ur sulen yiwaliwen yad g unettul,
A wa ibayen-d assa wenna igan lear. (Sakku)
- 653 Σawed-ay-d ka n yiserēiben ixataren
Tağğim iwaliwen n id gar rray! (Σmer)
- 654 Luqt, ayenna d-tuwey yazzel iss lhal,
Ad iffer uneccad ixemmujen ur nnin. (Sakku)
- 655 Iwa, xtar-d tizzar, addu-d han alim!
Xirawen agedrur ad d-ıeyad a k-εmun! (Σmer)
- 656 Inn'ak bu unrar: "Ağğ-t, azwu illa;
A nn-issufey yifi alim d ukwerfa !" (Sakku)
- 657 A wa rar tterbuc-nnes i bu thanut!
A Tizirt, ur akwent-igi uεeccaq. (Muħa Uqrab 1954)
- 658 Han icicey-nnay s i-d(i)-ttεayarem,
Xes is ur yurrun atig ad t-tawim ! (Σmer 1954)
- 659 Han icicey-nnay n Wudayen izil,
Idd is ak-t-id-ika ka g id Cucu!? (Muħa Uqrab. Cucu iga
yiwen Wuday n Usrir)
- 661 Kwenni ayd ilan g Wudayen adu
A winna ikessan amuggu n Cucu ! (Σmer)
- 663 Illa digek wađu n Σziza, εerq-ay!
Σlaxader teg axemmuj i yiyrem akw ! (Muħa Uqrab)
- 664 Ur illi uεerrim nna d ur nufi
G uħanu-nnes mek ixmej ad akw tumum. (Σmer
1954)
- 665 Rabbi as beddun Yimaziyen i rray
Af ad ittnum amm ugadir wawal.
- 666 A uggugen ixataren adday tilim
I bu laşel ad ikkes fad i lyellat.
- 667 Meqqar ay-d, ay igenna, da tseenated
Ur idd is ran ay asaddi-nnek aya!
- 668 Xes ad isεum anaruz iεmu-ay
Ma ad ijber ka g unada ur inni.
- 669 Qqney-ak aεdaw, ur t-ħubbay nasi-t,
Iga-yi lhal ad t-nbabb ad t-mennuy. (Sakku)
- 670 Leflus ayd nga g jjib i tmara
Yili digsent ugellid, ur t-nri. (Sakku)
- 672 Σenwa-nu as ttiniy ur ijri wađu,
Ma abray n wul izdey abda yifi. (Yusef ULBAZ)
- 673 A luqt ur igin awd yan d aεerrim,

- I gan kull ixataren s mayed iherran. (Y. ULBAZ 1995)
- 674 Ur sar izwi yirgel i bu tyufi
Dinna as-d-ikk i leh̄sab ur t-ufin. (Y. ULBAZ)
- 675 Mek da gganey a mma-nu da gganen waman,
Iqqima-d yifi leh̄sab amm ɛari. (Y. ULBAZ)
- 676 Nyan-i yimurig n widda nfinin
I mag ittyafa wenna d-iktey ka? (Y. ULBAZ Ugg Yihendar)
- 677 Meqqar ilsa timelsa bu uyanim
Nnan-i ur ili g tmazirt aɖu. (Utaɛumart)
- 678 Meqqar xatreɣ isul umareg imezziy,
Hat ur sar ttuy aɖidus g ur lliy. (Utaɛumart)
- 679 Han aɖyar nna g ur ittyassen ka
Meqqar xatren (i) da diges ittemziy. (Utaɛumart)
- 680 Adday as-tenn id i ka: "hat terwid!"
- 681 Hezzan iyef ittu leetabi yineɛmi. (Utaɛumart)
- 682 Ttreɣ-as i Ljid iktey-i-d ur ɛettiren
- 683 S yan uɛmur iger-d udi yef uyu. (Utaɛumart yan U Σisa Izem n Yimilcil 1978)
- 684 Ttreɣ-as i Ljid iktey-i-d ur ɛettiren
S tamamt ad awen-tigit kullu! (Σ. Cerwiṭ)
- 685 Ay izimer ur ak-ittugi lmeswak
D tazult allig ir'ad iffey rruḥ. (Sakku)
- 686 Ay iyef-inu, yayul umuyed isers-i-tt
Ṭfareɣ id allig i-izla lhemm n wass. (Sakku)
- 687 Meqqar am-nexwla, a tadist, lxir
Ur da ttaden xes id nna g iss tensa. (Ubuseid Iyeryer)
- 688 Addag ih̄fa ka qennad issker ka
A tamutli, a kwent-ig, ur teɛɖil. (Ubuseid)
- 689 Xerrac yusi-d ad igmer ayd ay-nnan
Mmattrent temlalin, ur ibbir aɖu. (Σmer 25-5-96)
- 690 Key ag da tteṣṣan yiṣeyyaden a Xerrac;
Da igemmer yinniy-ten, iggwed i lih̄uc. (Σmer)
- 691 Cuf ayd ak-iga a Xerrac gar rray
Allig da ttekkad tiyemrin d yisunif! (Σmer)
- 693 A k-ih̄du Rebbi g waɖu-nnek a Xerrac!
Ay amxib ur igennun s umellal! (Σmer 25-5-96)
- 694 Init-asen i bu tṭbel ad ur t-ikkat!
Walu iɛsawiyen yad amm williy. (Σmer 1996)
- 695 Rebbi as nebda g lɛada n wawal
Ad as-izwur i umdaz aɖrafiy! (Σmer)
- 696 Dyi nna g sullen yiherga da ttyamanen

- Ur anniy matta leefu d-inmalan. (Σmer)
- 697 Irra Firɛun ayenna d-ikken assas
Allig ismar usemmud iɗer aman. (Σmer)
- 699 Ixater uẓeṭṭa gren yiɗemmaɛen
Ur iyey ufeggag ad t(i)-ismutter. (Σmer)
- 700 Han iṭeṣ, ay akabar, iyerra-kwen
Allig ɗerrɛen yizalen afella-nnek. (Σmer)
- 702 Ibɗa-kwen ay igujilen ur tmunem,
Yufa nnayeb digun ayenna ir'. (Σmer)
- 703 Uwin-d adida diy yiseḥḥaren,
Wenna igan lfahim ussɛen-asen. (Σmer g tmeyra n Σli
Ḥercerras yuct 96)
- 704 Axxi-d targwa n uzeddig amer ufiy
Ad i-tt-iffey unna as-d-iggaren akal! (Σmer)
- 706 Dyi ayd ur ak-d-yugir waɗu
Ula k-izzrey bu tergwa ddaw tirif. (Uɛesta)
- 707 Mek iɛayed afus-nnes ad iqqen asif
In'as I umɛḥsad ad t(i)-bbin yiḥi! (Σmer)

Izlan n uḥidus Ayt Meryad
Ismatter-ten-d irar-ten-id yer tirra **Σumar**
DERWIC